

畿輔通志卷二百四十一

列傳四十九

國朝十六

宣化

遵化

國朝

宣化府

宣化縣

馬勝龍

弟從龍

王天鑑

父道舒

胡以溫

父達可

李承鑛

姚之夔

姚永燾

姚永康

弟永煦

張光烈

倪顯

趙登舉

馬瑞騏

劉嗣俊

從子延祉

李進臣

周延基

弟延屋

黃鼎楫

張萬祚

甄國忠

孟臣

武遜

張發祥

聶源

張德飛

王武年

鄭奎士

子永祥

王世俊

王世臣
王國寶

黑珍

赤城縣

宋之屏

父奎

張文衡

饒承德

紀肇修

劉國興

董正位

黑天池

萬全縣

劉之屏

楊芳聲

羅綸
子得彥

袁立相

孫秉誠

楊國聲

子鉉

王無黨

鞏有福

王桐
郝士
吳士玉

劉維翰

武文玉

楊文灝

龍門縣

李遵度

懷來縣

徐可成

王可嘉 俊

高 王懷玉

邢偉

張恒

張漪

蔚州

魏象樞

子學誠

李雲華

子振藻 藻子映乾

振

武之烈

潘藏山

馬宏儒

王家啟

李周望

父旭升 暄亨

弟

閻瞳

子象年 介年

李雋望

弟厚望 厚望子源

彭世勳

陳彩

梁易

張鳳彩

常榮先 性成

郝

黃輜

邢守禮

陶民則

李槐蔭

李義僕

魏煜

李際春

康華國

陳元章

賈定 龔文明

楊均治

西甯縣

李浚

子恒光弟

李灝

李汴

蘇大傑

呂金聲

趙爾楷

武英

陳憲

李學沆

王經

孫遂

李維本

馬芝庭

苗適蕃

李鳳鳴

劉元標

懷安縣

亢朝震

安定邦

王浮龍

李華

李義成

附殉難諸人

延慶州

賈士璋

子宏鼎

李之實

周貴

馬應科

胡先達

保安州

閃燈龍

王國楨

文運熙

楊福五

遵化州

穆從墨

宋之弼

李興元

子蔭秀奇秀

周體觀

李君賢

賈紹聞

李正春

李翔鱗

李維鉦

王宗武

果常清

父希天馬尚鈞

李廷煥

弟廷燮

溫熙之

李裕坊

武世昌

路綬若

王永馬翰忠

王成

王之翰

趙永順趙維賦

王宏勳

孫樾

玉田縣

李及秀

江山秀

子象乾

桑鳳翥

子開運

張聯標

李本奇

劉蓋臺

侯實祿

張作礪

孫超曾

張應楸

李慧

李大謨

周鍾泰

周彬

劉銑

豐潤縣

李昌汴

董鉅

鄭相僑

子恂

殷壯猷

子文

谷應泰

谷元調

曹鼎望

子釗 鈞

魯文龍

谷凌雲

聶時秀

從子捷元

張自德

曹雲望

父繼參 兄首望

首望子鈐

曹鑛

裴國熙

董鐸

魏禮中

孫賢

鄭佐

魏元樞

董榕

竇徵榴

董尙賓

石天培 陳玉

曹永藻

楊棟 劉邦寧

李國梁

董果

李棟綿

魏禮焯

周士拔

董暄

張印塘

盧金第

陳世昌

吳雙

鄭之鐘

曾祖原璫
祖儼

張澤仁

鄭見龍

鄭倬

宣化府

宣化縣

馬勝龍

大清一統志
正志俱作騰龍

字雲生明總兵似麟子崇禎十五

年武舉人

縣志

順治初隨定南王孔有德屢立戰功擢桂林遊

擊李定國犯桂林勝龍閉門堅守糧盡援絕城陷被執不屈

遇害妻郭氏被焚死仲弟從龍亦赴鬪力竭殉焉

大清一統志

王天鑑字近微父道舒事繼母以孝聞天鑑順治二年舉於

鄉明年成進士官山東恩縣知縣流賊餘氛未靖掠夏津諸

邑天鑑下車募鄉兵擊之擒其渠餘黨解散釋賊所虜男婦
使各歸業當事上其功擢禮部主事復出爲河西道解組歸
杜門絕交接尙書魏象樞疏薦不起年六十卒祀鄉賢

雍正志兼

採縣志

胡以溫字公嶠其先忻州人明洪武中占籍宣府父達可縣
諸生以友愛稱以溫舉順治三年進士官江西樂安縣知縣
有巨豪殺人前令不敢問至是持千金爲賂卻不受卒抵豪
於法邑子有不善者合族請置之死以溫召至反覆曉諭邑
子叩頭謝罪後竟改過時總兵金聲桓叛所在殺長吏應之
樂安數十人操刀擁以溫出有二人左右護持獲免問之一
爲被豪害死者之親一邑子也後被議罷歸家居四十餘年
絕意仕進著有辨字編蠡測編山堂清玩及見山堂詩文集

縣志

李承鑛順治四年進士官湖廣房縣知縣時川縣未靖剽掠至境承鑛堅守數日外援不至城陷被執罵不絕口賊怒支解之入祀鄉賢

府志

姚之夔字龍友順治初以諸生入國學官柳州州判州灘河有三十六斗七十二灘者水石衝激上官知之夔能檄視之築堤鑿石險者以平尋任南甯調東蘭復調太平所在俱有政績循聲卓著以尤異遷廣東提舉疏通鹽引商民便之遭親喪歸廬於墓不復出

同上

姚永燾父熙吾官陝西興安州知州永燾隨至任值隣邑洵陽失守民多赴興安避亂永燾訓練保障全活甚衆參將康國安薦其才授興安中營都司順治三年叛賊孫守法倡亂

率衆禦之賊攻兩月不克糧盡援絕攻益急奸民內應五月晦啟門納賊被執不屈死焉

忠義傳

姚永康字晉侯順治五年拔貢生官浙江遂安縣知縣有循績遷平涼通判與弟永煦俱名重一時永煦字載熙以舉人官正定教授

縣志

康熙二十四年遷知四川新繁縣新繁經兵

燹後原野蕭然永煦至則撫流亡墾荒蕪善政次第畢舉秩

滿遷山東濟甯州知州

四川通志

張光烈字芝田父名世明崇禎間中書舍人入

國朝隱居不出祀鄉賢光烈舉順治五年鄉試十二年乙未成

進士知河南夏邑縣治尙嚴明羣奸屏跡民間多逋賦躬行

勸諭皆如限輸納無終違者擢山西平陽府同知臨汾令缺

大吏以光烈能使承其乏革耗羨輕徭役一意與民休息輿

情戴之縣志

倪顯字日章順治間官鑾儀衛整儀尉遷冠軍使時

世祖章皇帝廣開言路顯上疏略言邊防不可無兵而養兵不可無
餉臣籍隸宣鎮竊見鎮兵八營以萬計歲費金錢以數萬計
然而今日之兵每鳩形鵠面半菽不充者大半爲將弁中飽
也倘有不測戰守何資一鎮如此外此可知又言臣鄉之最
苦者無如州縣之胥役老奸巨猾盤踞公門凡遇一差輒呼
羣引類如風雨之驟來索詐財帛如狼虎之無厭小民受其
荼毒謂之衙蠹一縣如此外此可知凡數百言皆痛切時弊
上達之直聲震一時未幾以病乞休年七十九卒著有轂音詩草同上
趙登舉順治初由行伍從征流賊拔把總累遷江西南瑞鎮
標遊擊康熙十三年耿精忠叛遣逆黨寇江西登舉赴袁州

防守三月吳三桂犯湖南其黨康永綱等潛窺袁州登舉邀擒之五月賊自湖南結土寇攻袁州饒州參將程鳳從逆勢益熾安親王岳樂發大兵討之登舉守踏塘賊數百乘夜來犯登舉設伏隘口伺賊過半起擊之斷賊兵爲兩斬數十人擒十六人餘遁巡撫董衛國上其事

上嘉獎之十月隨援進賢援瑞州陣斃僞都督左棠榜十二月援奉

新完其城十四年春大兵復饒州程鳳遁走衛國疏言饒地被賊蹂躪宜擇守令撫遺氓請擢登舉爲饒州營參將以資捍禦從之登舉偕知府郭萬國知縣王萬鑑等繕關廂招流亡勢稍定五月賊圍廣信急登舉奉檄赴援行一日程鳳偵饒州虛由他道薄城登舉聞警還救衝賊營擒前隊數人轉

戰而前遇伏死之

忠義傳

馬瑞騏字祥芝順治十二年武進士官湖南長沙都司流賊
李來恒盤踞西山討平之旋以吏議鐫級三藩叛隨征復甯
州卽授甯州守備賊攻文城倉卒定亂以功擢遊擊賊再攻
城礮擊之追至白等衝九都等處斬獲無算賊遁民人樂業
立碑頌之致仕歸卒年七十有四

縣志

劉嗣俊字秀乾順治十五年武進士康熙初官湖南天桂營
守備吳逆叛襄陽總兵楊來嘉應之攻長沙令其黨脅嗣俊
降不從遇害從子延祉康熙六年武進士官湖北南漳守備
來嘉以書誘之降延祉怒燬之拔所佩刀殺其使者與賊相
拒於土地嶺力戰陣亡

府志

李進臣任湖廣守備管彝陵鎮標水師後營遊擊事康熙元
年西山賊李來亨分據歸州巴東諸隘進臣奉檄逆戰龍馬

溪賊敗退值賊黨聚香溪隔江轟礮卽過江扼之焚其柵百餘所歸州巴東盡復二年春來亨踞七連坪進臣從大兵冒險奪隘賊退踞譚家寨并通茅麓山周數十里犄角相聯三年春從木鎮總兵金萬鎰攻茅麓山中路山梁奪木柵三石梁二直抵頭關山峻險賊以滾木插石拒進臣受傷殞於陣

忠義傳

周延基與弟延屋篤內行家貧傭值供親先意承志親年老或不遂意輒杖責隨之跽受無敢忤者兄弟俱鰥居所親勸之娶則曰養親事大吾日所得有幾菽水尙不給遑計其他其天性純摯如此康熙二十年當事旌其門

縣志

黃鼎楫字巨公食貧力學康熙二十四年成進士官陝西漢陰縣知縣丁丑戊寅連歲荒發倉穀數千石以貸飢者不陳

請上官存活無算民甚德之踰年行取戶部主事擢給事中
以言責自任遇事直陳皆有關利害嘗參劾某巡撫匿災不
報某竟坐黜時論韙之戊子罷官歸卒年七十

府志

張萬祚幼孤依母以居母死哀毀骨立廬墓側負土成墳終
三年喪始歸其後邑諸生甄國忠者事母亦以孝稱當事皆

旌之

縣志

孟臣官陝甘督標守備乾隆十二年大兵征金川臣隨西安
城守營參將沙亮前往協剿五月攻格什戎岡奪據碉卡六
月復攻陡物黨噶踰年春攻會達戰死三十一年曲尋鎮中
營把總武遜臣同里人隨總督楊應琚征緬甸擊賊壩尾江
陣沒事平先後

賜卹如例

國史忠義傳

張發祥乾隆四十七年由行伍拔補外委累官至張家口協右營千總嘉慶初奉檄剿陝寇逆賊馬五自西鄉竄堰口發祥隨副將李天林由土地嶺進攻與賊接仗戮百餘人賊猶恃眾抗拒發祥奮勇追剿擊斃賊目數人林莽間羣賊突出與戰力竭死於陣事平

賜卹如例世職雲騎尉子琮襲

國史忠義傳

聶源字天水官江南廬州府知府爲政寬簡愛民禮士值大兵至郡軍需旁午源殫心綜理不擾閭閻未幾引年乞休士民皆泣送之

江南通志

張德飛官宣化鎮左營千總嘉慶元年湖北教匪滋事奉檄從征殉於襄陽雙溝王武年官遵化營把總嘉慶四年從征陝西禦賊於漢灞兵潰而死

採訪冊

鄭奎士道光間由行伍積功補官湖南守備奉檄從征粵逆以戰績擢廣西正安營都司遞補湖南九谿營遊擊隸提督向榮軍咸豐三年賊陷江南廬州奉

命督師赴援復調赴江南會剿復巢廬江等縣授安徽壽春鎮總兵加巴圖魯勇號八年擢浙江提督轉戰金陵甯國江蘇親提一旅每身先士卒創傷遍體同治五年捻逆北竄奉

命馳往協剿踰年署理直隸提督八年秋積勞傷發乞假歸卒於家子永祥從軍數省任浙江遊擊咸豐九年因傷死廬州營次王世俊官福建同安營都司王世臣官湖南綏靖鎮都司道光二十一年夷人犯順世俊殉泉州之廈門世臣殉廣東之烏涌又王國寶者官龍門路把總同治十年死逆回之難事平俱